



Nr. 259 Prot.

Tiranë, më 15 korrik 2021

**Kriteret dhe procedurat e pranimit për shtetas shqiptarë
në programin e studimit në *Ekonomi Ndërmarrjeje*,
Raundi i parë, viti akademik 2021-2022**

Programi e studimit në *Ekonomi Ndërmarrjeje* ka një kohëzgjatje prej 3 vitesh akademike dhe zhvillohet në gjuhën italiane.

I. Kuotat dhe kriteret e pranimit

Për vitin akademik 2021-2022, në raundin e parë, në dispozicion të kandidatëve shtetas shqiptarë në programin e studimit në *Ekonomi Ndërmarrjeje*, janë **60 kuota**.

Përzgjedhja e kandidatëve do të bëhet nëpërmjet kriterit të mëposhtëm:

- Llogaritjes së mesatares së përgjithshme të shkollës së mesme.

Kandidatët duhet të plotësojnë kriteret e mëposhtme:

- të kenë Diplomë të Shkollës së Mesme;
 - plotësojnë kriterin e notës mesatare të përcaktuar me Vendim të Këshillit të Ministrave (VKM) nr. 436, datë 03.06.2020 e ndryshuar me VKM n.46 datë 27.1.2021 të Republikës së Shqipërisë për vitin akademik 2021-2022, sipas të cilit nota mesatare **duhet të jetë e barabartë ose më e madhe se 6.5** (referuar sistemit arsimor shqiptar);
- nuk duhet të jenë të regjistruar në programe të tjera studimi.

II. Aplikimi

Për të aplikuar në raundin e parë, kandidatët duhet të përzgjedhin në portalin online U-Albania: <https://ualbania.arsimi.gov.al/> programin e studimit në *Ekonomi Ndërmarrjeje* të Universitetit Katolik "Zoja e Këshillit të Mirë", **në datat 29 korrik deri në 3 gusht 2021**.

Kandidatët do të renditen sipas mesatares së përgjithshme të shkollës së mesme duke ndjekur rendin zbritës. Lista e renditjes së kandidatëve do të afishohet në ambientet e Universitetit dhe do të publikohet në faqen zyrtare: www.unizkm.al **në datat 26 – 29 gusht 2021**. Lista e renditjes sipas kriterit të Notës Mesatare të raundit të parë do të publikohet edhe në portalin U-Albania.

III. Regjistrimi/matrikullimi

Kandidatët që janë shpallur fitues të raundit të parë duhet të regjistrohen pranë Sekretarisë Mësimore **në datat 2 – 15 shtator 2021**. Sipas Udhëzimit nr. 10, dt. 15.05.2019 të Ministrisë së Arsimit, Rinisë dhe Sportit (MASR), kjo periudhë është e ndarë në 7 faza. Çdo fazë zgjat 48-orë. *Kandidatit të shpallur fitues, i dërgohet një e-mail nga Sekretaria Mësimore ku i komunikohen dokumentet e nevojshme për regjistrim dhe afati 48 orësh për të kryer regjistrimin*. Nëse ndonjë prej atyre që pranohen në listën e renditjes nuk regjistrohet në kohë, ai humbet të drejtën e regjistrimit dhe Sekretaria Mësimore thërret automatikisht kandidatin e parë të listës nga jofituesit, i cili është gjithsesi i përshtatshëm (d.m.th. në posedimin e kushteve të përmendura në pikën I më lart). Në rast të mos regjistrimit të mëtejshëm, procedura e lëvizjes së listës së



UNIVERSITETI KATOLIK ZOJA E KËSHILLIT TË MIRË

renditjes do të vijojë deri në përfundimin e vendeve në dispozicion, duke përfunduar në datën 15 shtator 2021.

Nëse pas përfundimit të listës së renditjes, do të mbeten ende kuota të paplotësuara dhe nuk do të ketë kandidatë në pritje, do të rikthehen në garë kandidatet e shpallur fitues të cilët nuk janë paraqitur për regjistrim (që nuk rezultojnë të regjistruar në programe të tjera studimi).

Për t'u regjistruar, kandidatët e shpallur fitues sipas renditjes së Notës Mesatare (ku do të përfshihen edhe kandidatët që konsiderohen të përshtatshëm për t'u pranuar në rast të mosregjistrimit të fituesve), duhet të dorëzojnë pranë Sekretarisë Mësimore personalisht ose nëpërmjet përfaqësuesit të autorizuar me prokurë nga ana e tyre, dokumentacionin e mëposhtëm:

- Mandatpagesë nga Banka për shlyerjen e kështit të parë ose të kështit të plotë¹ të tarifës vjetore të studimit (Urdhërpagesa për t'u paraqitur në bankë shkarkohet nga portali studenti: portal.unizkm.al, zëri "Tariffe");
- Diplomë e Maturës Shtetërore në origjinal bashkë me fotokopjen e noterizuar të saj;
- Certifikatë e Maturës Shtetërore në origjinal bashkë me fotokopjen e noterizuar të saj;
- Raport mjeko-ligjor që vërteton aftësinë për të ndjekur studimet;
- Vërtetim banimi;
- Certifikatë familjare;
- Fotokopje e një dokumenti identifikimi të vlefshëm (kartë identiteti ose pasaportë);
- Dy fotografi, format dokumenti.

Gjithashtu pranë Sekretarisë Mësimore do të plotësohen:

- Kërkesa e regjistrimit (kërkesa mund të shkarkohet edhe nga portali studenti: portal.unizkm.al);
- Deklarata e paraqitur në Shtojcat e Udhëzimeve pëkatëse;
- Kontrata e regjistrimit;

Në momentin e regjistrimit kandidati duhet të ketë njohuri të mjaftueshme të gjuhës italiane, pasi pranë Universitetit do të kryejë një testim mbi njohjen e gjuhës italiane.

IV. Procesi i çregjistrimit

Kandidati ka të drejtë të çregjistrohet vetëm **në datat 16 – 17 shtator 2021**. Ai paraqet një kërkesë për çregjistrim pranë Sekretarisë Mësimore duke tërhequr dokumentet e dorëzuara. Nëse ky veprim nuk kryhet në këto data, ai nuk ka të drejtë ta ndryshojë programin e studimit për këtë vit akademik. Çregjistrimi kryhet në portalin U-Albania dhe pranë Sekretarisë Mësimore.



Rektori

Prof. Bruno Giardina

¹ Në rastet kur kandidati plotëson kushtet e parashikuara në Rregulloren e Tarifave për përfitimim e bursës vjetore, detyrimi i tij do të jetë në përputhje me tarifën e mbetur